

সুভাষ মুখোপাধ্যায়



প্রশান্ত ভট্টাচার্য
সারস্বত লাইব্রেরী
২০৬, কর্ণওয়ালিস ষ্ট্রীট
কলিকাতা—৬

প্রাচীন-শিল্পী
দেবব্রত মুখোপাধ্যায়

বৈশাখ—১৩৫৭

দেউটাকা

মুদ্রকর
শ্রীনিবারণচন্দ্র ভট্টাচার্য
সারস্বত প্রিণ্টিং ওয়ার্কস
২০৬, কর্ণওয়ালিস ষ্ট্রীট
কলিকাতা—৬

মুচীপত্র

মুখবন্ধ	...	১
কাব্য-জিজ্ঞাসা	...	২
গ্রাম্য	...	৮
চিবকুণ্ড	...	৯
গ্রামে	...	১১
সীমান্তের চিহ্ন	...	১২
এই আশ্রম	...	১৫
স্বাগত	...	১৬
স্বাক্ষর	...	১৮
আহ্বান	...	২১
চলচ্চিত্র	...	২২
শত্রু	...	২৪
জনদুকের গান	...	২৫
প্রতিবোধ প্রতিজ্ঞা আমার	...	২৬
চীন	...	২৯
ষ্টালিনগ্রাদ	...	৩২
বর্ষশেষ	...	৩৩
উজ্জীবন	...	৩৫
জবাব চাই	...	৩৬
১৫ই ফের আসবো	...	৩৭
ময়দানে চলো	...	৩৯

শুক্লিঙ্গ	...	৪০
বোষণা	...	৪১
অগ্নিকোণ	...	৪৬
ঝড় আসছে	...	৫০
একটি কবিতার জন্ম	...	৫২
মিছিলের মুখ	...	৫৩
বাম রাম	...	৫৫
দীক্ষিতের গান	...	৫৬

‘চিবকুট’ প্রকাশ কবতে গিয়ে ক’টি কথা বলা আমাদের পক্ষে অপরিহার্য।—
 কবি প্রথম বই ‘পদাতিক’ বাংলা কাব্যে যুগান্তর সূচনা কবে। পবিত্রী যে কবিতাগুলি তিনি লেখেন, পাঠকেরা স্বভাবতই তাব একটি সংকলন পেতে উৎসুক ছিলেন। সেজন্য এ বই প্রকাশার্থে আমরা হাতে নিই।

কিন্তু এই সময়েই কবি গ্রেপ্তার হ’য়ে যান; এবং এখনো পর্যন্ত নিষাপত্তাবন্দী থাকায় বই প্রকাশে এত বিলম্ব এবং ভুলের মাত্রা কিছু বেশী। এজন্য ছোটখাটো ভুলের পবিত্র আমবা শুধু মাঝামাঝি ভুল-গুলিবই শুদ্ধি পত্র দিলাম। ‘অগ্নিকোণ’ পুস্তিকাটি কবি নির্দেশক্রমে এ বইয়ের অন্তর্ভুক্ত করা হ’ল। ‘দীপ্তিভের গান’ সবাব শেষে আমাদের হস্তগত হওয়ায় বাধ্য হ’য়ে পেছনে দেয়া হ’য়েছে।

এবাবের সমস্ত ভুলত্রুটি পবিত্রী সংগ্রহণে সংশোধনব ইচ্ছা বইল।

— প্রকাশক

মুখবন্ধ

আছি বেশ, গৃহপালিত জীবনে দিচ্ছে হান।
উপবাসী অপমৃত্যু, তবুও সিস্তি আশা—
অনাগত কোন দিনের ছ'পাশে মেলেছে ডানা,
তাই নিয়মিত সভায় মিছিলে ষাওয়া আসা।
আমাতে বন্ধু পায় হরতালী কারখানা,
চোখে আগ্নেয় বিশ্বাস, গ্রামে জাগছে চাষা,
লড়াই চলছে দূরে দেশে, তবু তার আওয়াজ
শুনছি ভিক্ষা ভাঙে এখানে ; লাগে অবাক,
মাঠে নিধিরাম সর্দারদের কুচকাওয়াজ।
দুর্বল স্মৃতি ; বীর রসে তাই কাঁপে ব্যারাক,
প্রের্ত পণ্টন, জালিয়ানবাগ প্রয়াগ আজ,
স্বরাজ্যে সেলামী মিলবে : প্রভুর পেটায় ঢাক।
অধুনা সবস ঘুষ জিতে, অহে ! বন্ধবাক্।

কাব্য-জিজ্ঞাসা

(১)

সেদিনকার শাণিতধার হারিয়েছি
হৃদয়ে শুধু স্মৃতির ভার, ভিড় শুধু
বেড়াই ঘুরে পাড়ায় আপন থুসীমত
লঘু মেঘের মতন তবু মেলে যদি ।

জন্মে আর জীবনে আর তৃপ্তি নেই
মরণে মধু-সমাপ্তির স্মৃণ আশা
সকলি মানি অগ্নীক এই গ্রহ লোকে
ইন্দ্রিয়ের ধাঁধার বাধা শরীর মন,
নিরুদ্দেশে আকাশে বুথা খুঁজি বাসা
আলোর কোন চিহ্ন নেই চরাচরে
দিনের ভাষা সেতুর শেষে পরপারে
সূর্য গেল,—মুখর ফের পাছনীড় ।

(০ ২)

নিজেই নিজের ছাঁয়ার পাশে
চমকালে স্নিছে, নিজেকে চিনে
নামাও বলগা পিপাসু ঘাসে,
রক্তমাটিতে, মেঘলা দিনে,
গুধুই ধুম ইচ্ছাবীনে
কতকাল মেঘ আকাশে ভাসে ?
তাই বিষন্ন তোমাকে দেখে
হঠাৎ পেলাম ইসাবা কোন
হালকা স্বভাব হৃদয় থেকে,
হে দিগভ্রান্ত, আজক শোন
তোমাকে সঁপেছি শব্দ মন ও
সেদিন চোখের মুকুবে বেখে,
ষবছাড়া মন তোমার, কবে
চকিতে নিখোজ পালাবে মাঠে
—তাই সংকিত হৃদয়, তবে
দয়ালু বিধি ও সংগে হাঁট ।
যদি কিছু কাল যুগলে কাটে
ঘরমুখে মন তবেই হবে,
হে দিগভ্রান্ত, আমি তো বুঝি—
তোমার জটিল হাবাগো পথে
বাতি যে ধরবে সেটুকু পুঁজি
আলোর নাই । আমাব মতে,
এসো আজ এই জটিল পথে
ঠিকানা বদলে প্রণয় খুঁজি ।

ডিসেম্বর ৪০

ভেঙেছে সংসার স্বর্গ ; কণ্টকিত স্বপ্নের বিছানা,
পাঠালো নিষ্ঠুর স্বর্ষ গলিত মৃত্যুর পরোয়ানী।
আমাদের মোমের টুপিতে ।

ক্রমেই সংক্ষিপ্ত হয় আকাশের সুনীল বিষয়,
উদার সমুদ্র ডাকে—

ঢেউয়ের ইসাবা গিলি অঙ্ককার গলির রোরাকে,
হাতে হ্রস্ব জীবনের জরিপের ফিতে ।

ছড়ানো দৃশ্যের মধ্যে কিছু নিয়ে কাব্যের জগৎ
রচনা করার ইচ্ছা ছিল বাট, ভেঙেছি শপথ—

বৃত্তি আজ একান্ত বিবাদী,
মনে মনে উড্ডীন আকাশে বাসা বাঁধি,

কেবলি নিষ্ফল বাণ্ড ছিদ্রময় ঢাকে
পুরাণে অভ্যাস বশে চিক্রণীব পণ্ডশ্রম টাকে,

তবুও তোমার কাছে স্থগী

একদা আমার এই একচক্ষু হৃদয়-হরিণী,

তোমার উষ্ণত্ব দিল বাষ্পময় আমাকে শরীর

উচ্ছল পর্বতগাত্রে, ধর্ম্য তাই উদ্দাম নদীর

তবুও তুমার চক্রে পিঠে একী জরাগ্রস্ত কুঁজ—

দূরে দেয় হাতছানি সংঘবদ্ধ মাঠের সবুজ,

ছত্রভংগ রৌদ্র হয় ফিকে

উদ্ভত সঙ্গীন দিকে দিকে ।

(৪)

জাগুন জাগুন	পাড়ায় আগুন
	বাড়ে হহ
মগজে প্রভূত	দন্ত তবু তো
	আহা উহ ।
মনের মহল	দিচ্ছে টহল
	মিঠে কুহ
এখানে জাগুন	পাড়ায় আগুন
	বাড়ে হহ ।

ভাঙলো চিবুক-ঠেকানো হাতের নিজা—
 বাগানে শুকনো কংকালসার বৃক্ষ,
 থিড়িকির পথে পালাবে কি কলাবিৎরা ?
 —গ্রামে ও নগরে ভিড় করে হুর্ভিক্ষ ।
 হৃদয় বিহীন সময়ের জুবুজু
 তোমার আমার মধ্যে দাঁড়ালো আজ যে,
 দৃঢ় প্রতিজ্ঞা নের আজ ভীষণ চিন্তা
 কাপুরুষ ভয় আনবে না মোটে গ্রাহ্যে,
 বুঝেছি দগ্ধ জীবনের দুষ্টান্তে—
 প্রাণ বাচানোর নৈকো সহজ পন্থা,
 বজ্র মুঠিতে শৃংখল হবে ভাঙতে,
 আমাদের ফাঁকা ভাঁড়ার প্রেমের হস্তা,
 বিদায় ! অলীক স্বপ্নের প্রজাপঞ্জ !
 বিদায় ! টাদের নিরুদ্দিষ্ট কুঞ্জ !

(৬)

বাতাস পিঠে চাবুক হানে আকাশ আনে বজ্র
শাস্তি কবে ফুঁকেছে শিঙে—বেজায় টিমে কানতো !
সহরে, গ্রামে, নিকটে, দূর নানান সুরে গুনছি—
পেয়েছি তার খানিক রস, খানিক অস্পষ্ট :
“একল। নই, মিলিত হাত আজ আঘাত হানবে ।
মুক্তিদাতা মজুর চাষী—নতুন আশা সামনে ।
চলো না কবি মিছিলে মিশি—অসং ধ্বনি সঙ্গ
পতন পথ করেছে ঢালু, গড়েছে বালু সৌধ,
আমরা দেব বোবাকে ধ্বনি, খোঁড়াকে দ্রুত ছন্দ
লক্ষ বুকে রয়েছে খনি, কুড়িতে ঢাকা গন্ধ ।
আমরা নই প্রলয় ঝড়ে অন্ধ ।”

জুলাই '৪২

গ্রাম্য

গুনেছি একদা সোনারি ধানে
আকাশ তপ্ত সূর্য আনে,
বিকালে হালকা হাওয়ার নাচে
হৃদয়ে ক্ষুধি হয় ছোঁয়াচে ।

সম্প্রতি গ্রামে আছি, কোথাও
প্রাণোৎসবের নেই নিশানা
উপবাসী চাষা, ধান উধাও
মহাজনদের পছা জানা ।

অঁকা বাঁকা পথে দেখছি রোজ
পাছু জনের লট বহর,
পথে ভিক্ষায় চলেছে ভোজ
চোখে চিত্রিত দূর শহর ।

শ্মশানে শ্মশানে হৃদয় বিলানো বুথ
মাথা সামলানো দায় যে, মিতা
তার চেয়ে এসো ধরি কুঠার
শত্রু পরখ করুক ধার ।

ডিসেম্বর '৪০

চিরকুট

শতকোটি প্রণামান্তে
হৃদয়ে নিবেদন এই—
মাপ ক'রবেন খাজনা এ সন
ছাটে ফোঁটাও ধান নেই।

মাঠে মাঠে কপাল ফাটে
দৃষ্টি চলে যতদূর
খাল শুকনো, বিল শুকনো।
চোখে লোনা সমুদ্রুর।

হাত পাতবে কার কাছে কে
গাঁয়ে সবার দশা এক
তিন সন্ধ্যা উপোষ দিয়ে
খাচ্ছি ক'দিন বুনোশাক।

পরশে যা আছে তাতে
ঢাকে না কো লজ্জা
ষাট বাটি বেচেছি সব—
নিজের ব'লতে ছিলো যা।

এ দুর্দিনে পাঙসা আদায়
বঙ্ক রাখুন, মহারাজ
ভিটেতে হাত দেয় না যেন
পাইক-বরকন্দাজ।

হাজার খানেক প্রজা আছে
আমরা এই মৌজার
সবাই মিলে ঠিক ক'রেছি
কেমন ক'রে বাঁচা যায় ।

পেট জ্বলছে, ক্ষেত জ্বলছে
কে খাবেনা শুধবে ?
হুজুর, এবার না বাঁচালে
আগুন জ্বলে উঠবে ।

গ্রামে

সকাল সন্ধ্যা গড়াগড়ি দিই গাছতলাতে
পাথর এ প্রাণ তবুও গলেন। ঝুটি, তাতে,
গৃহে গঞ্জন।; প্রকৃতিকে ভালোবাসছি তাই—
ভাবলু বাতাস আদৌ সয়ন। শহুরে ধাতে;
কাজ মেলেনিকো, গ্রামে বসে কষে তুলছি হাই,
আসে বসন্ত ; অন্তরে দাঁদাহের ছাই।

যেখানে ধাঁধার মত অলিগলি টানে জনতা,
কর্মখালির আশাতে ঠাঁটুর কাটে গড়তা,
যেখানে মিলের গাঁথুনি আকাশে হাত বাড়ায়—
সেখানে ফুরালো গরীব গ্রাম্য জনের কথা।
অশরীরী সাধ ভূতপূর্বই আছে। বেড়ায় ;
টিমে এ জীবন তড়িৎ গতির চমক চায়।

জমিজমা গেছে ; শেষে বন্ধক থালা-বাসন ;
উপবাসে দেখি একে একে মরে আপনজন।
বাল্যবন্ধু ছিল স্বাধীন, গেছে নিরুদ্দেশ—
অখ্যাত ফুল রাস্তা ঢেকেছে, বয়ে শ্রাবণ,
স্বস্তির জাবর কাটতে একলা আমি এদেশে,
পালাবার পথ বন্ধ ; প্লাবনে ঝাঙ্কি ভেসে।

সীমাত্তর চিঠি

তোমাকে ভুলিনি আমি
তুমি যেন ভুলোনা আমায় ।
তোমার সহস্র চোখ
চেয়ে আছে তারায় তারায় ।

পর্বত দাঁড়ায় পাশে
অগ্নিবর্ণ বনের সবুজে ;
—এখানে প্রস্তুত আমি,
প্রতিশ্রুত আমার পৌরুষ ।

তোমরা অক্লান্ত কর্মী মাঠে মাঠে,
তোমাদের হাতের ফসল
ক্ষুধিত মজ্জায় মেশে—
আমাদের বাড়ায় কদম ।
শত্রুর শিবিরে হানি
তোমার হাতের বজ্র ।

পৃথল ভাঙার ডাক দিকে দিকে
এখানে আমার মনে
জ্বলে অমুকম্পাহীন ঘৃণা ।
লক্ষের জলস্ত চোখে দেখি
জীবন দক্ষিণা ।

এপ্রিল '৪৪

এই আশ্বিনে

পথের দু'দিকে বাসা
বেঁধেছে কঙ্কাল ;
গ্রাম করে খাঁ খাঁ —
শোকাচ্ছন্ন পড়ে থাকে
ভগ্নদূত শাঁখা ।

রক্তচোষা দিগ্বিজয়ে ফেরে—
বন্দরে বাজায় ডঙ্কা
চরাচর মৃত্যুজালে ঘেরে ।
চোখে তার অম্ববর
অন্ধকার ঢাক।
গায়ে তার শব গন্ধ,
পদতল চিতাভস্মে রাখা ।

উপবাস রুগ্ন হাড়ে
শিহরিত বস্ত্র কাণ পাতে ।
উন্মত্ত বতায় স্তম্ভ কাঁপে
কটাগের স্থলিত বিদ্যুৎ,
পৃথিবী প্রস্তুত ।

দিকে দিকে জয়োদ্ধত
জীবনের উদ্দাম ঘোষণা ।
ভূ'হাতে ছড়ায় সূর্য
প্রাচুর্যের মুঠো মুঠো সোনা ।

রোমাঞ্চিত মাঠে মাঠে
ফেটে পড়ে
আশ্বিনের আশ্চর্য সকাল ।
পুলকিত অবশ্যব
মদুমুগ্ধ নীলাক্রান্ত পাখী
নিরুদ্দিষ্ট শৃণো পাখী মেলে ।

অবরুদ্ধ তরুশাখা
চঞ্চল হাতুযান মাথা কোটে ।
ভরস্তু মনেব ইচ্ছা
আবল্টিম ফুল হয়ে ফোটে ।

মরাগাঙে কলোক্ষাসে
নেমে আসে অস্তিত্ব জোয়াব ।
করাঘাতে গুলে যায়
পীবনেব রক্ত সিংহদাব ।

আগত দিনেব অগ্নি
গর্বেব ললাটে
আদিগন্ত চমক ফেলা মাঠ
আগন্তুক অঙ্কুরিত পদচিহ্ন ঔকে
অরণ্যেব ডালে ডালে
বাজুবন্ধে বেঁধে দেয় পর্ণচূড় রাখী
আলাপ মুখব হয় পাখী ।

পবাক্রান্ত শত্রু আছে,
মুখাসেব অন্তবাল শানিব সে নথ,
জীবন যাত্রাব পাথে হানে সে কণ্টক,
পায়ে তার মৃত্যু বাঁধা
লোভ তাব বাঁধানো সড়ক ।

ক্ষমা নেই—

শোকাকুল সঙ্কটাকাশে মোছা

ঐশ্বর্যতির আরাধ্য সিঁদুর ।

কাঁধে কাঁধ সান্নিধ্যে দাঁড়াও,

হাতে হাতে বজ্র হানো

ভূ-কল্পিত বিধ্বংসের চাও :

—শৃংখলের কলঙ্ক মোচন ।

সেপ্টেম্বর '৪৪

স্বাগত

গ্রাম উঠে গিয়েছে সহরে—

শূণ্যঘর, শূণ্য গোলা,

দান-বোনা জমি আছে পড়ে।

শুকানো তুলসীর মঞ্চে

নিম্প্রদীপ অন্ধকার নামে,

আগাছায় ভরেছে উঠোন।

সূর্য পাটে বসেছে কখন।

রাখালের দেখ! নেই—

কোথাও গরুর পাল ওড়ার না ধুলো ;

চেকিতে ওঠে না পাড়,

একটি কলসীও জল ওঠায় না ঘাটে।

বুনে ঘাসে পথ চাকে,

বিনা শাঁখে সজ্জা হয়,

সূর্য বসে পাটে।

তাঁতি তাঁত বোনে নাকো,

কলু আর ঘোরায় না ঘানি ;

কুমোরের ঘরে চাৰি,

ঝাঁপ বন্ধ, নিরুদ্ধেশ হয়েছে দোকানী,

হাতুড়ি বিকিয়ে হাটে

ভগ্ন মেখে পড়ে থাকে বেকার তাপর।

ষে পথে কামার গেছে

কে জানে সে পথের খবর ?

শীতের আমেজ আসে ;
 জলে না আগুন চণ্ডীমণ্ডপের কোলে ।
 হাতে হাতে ঘোরে নাকো হাঁকে ।
 চুলোচুলি হয় নাকো মৌড়লে মোড়লে ।
 নিশ্চিন্তি রাত্রিতে কারে ।
 চৌকি জ্বলে কুকুর ডাকে না,
 দিগন্তের বনলপ্তি হাত নাড়ে,
 মাঠের সোনালি ধান গুচ্ছ গুচ্ছ বাড়ে ;
 ছ'চোখে প্রতীক্ষা তার,
 স্বপ্ন তাকে কবায়াত কবে ।
 ওঠে ডাক শহরে শহরে ।
 রাস্তার শ্মশানে খেকে মৃতপ্রায় জনশ্রোত শোনে
 মাঠের ফসল দিন গোপে ।
 প্রতিজ্ঞা কঠিন হাতে
 একে একে তার সব
 চোখেব শোকাক্ষ মুছে ভাবে —
 ঘবে ঘবে নবান্ন পাঠাবে ।
 পাথে পাথে পদশব্দ ওঠে,
 আকাশে নক্ষত্র ফোটে ;
 নদী করে সম্ভাষণ, পাখী কবে গান
 মাঠেব সম্রাট দেখে মুগ্ধ নেত্র
 ধান আর ধান ।

ডিসেম্বর '৪৩

স্বাক্ষর

নির্মেষ আকাশে এক রক্তাক্ত সমরে
অন্ধকার ধূঁকে ধূঁকে মরে ।
এখনো ওঠনি সূর্য, রুদ্ধ কাক ডাক,
পথের যুগন্ত স্রোত ওঠে ।
দগ্ধীকৃত পাড়ে থাক
জীবন স্পন্দন শূণ্য নিশ্চল শরীর ।
চোখে তীর অভিযোগ,
ভিক্ষাপাবে ছুটি হাত স্থির ;
ঠোটে তার বিস্তারিত ক্ষুধিত আশ্রয়
কঠিন দম্ভের অভিলাপ ।

শোকাক্ত ঝবেনা কারো,
উচ্চারিত হয় না বিলাপ ;
পাশে শুধু অটুহাসে
মোভাতুর জন্তুর জুগুটি,
বাৎসল্য নিহত, প্রেম পরাভূত—
দস্ত কুটি কুটি ।
ছিন্ন ভিন্ন উদ্বাস্ত সংসার :
মর্মহীন এ দগ্ধ মেদিনী ।

মনে হয় চিনি
উৎকর্ণ ফসল বার বার
গুনেছিল ওব পদধ্বনি ।

চোখে ওর ছিল এক আগন্তুক দিনের উজ্জ্বল !
 হাতে ওর ছিল বিশ্ব ঐশ্বর্যের খনি—
 বুকে ছিল বিপুল বিশ্বাস,
 ওর কাছে স্বপ্নগ্রস্ত আয়ারি ধমনী ।
 শূণ্য পেটে নেমে আসে
 ছায়াচ্ছন্ন নিপুণ শৃংখল,
 চেতনা হয়েছে আজ ক্রমেই দুর্বল ;
 প্রকাশ্য আলোয় দেবি—
 দরদীর ছদ্মবেশ ধরে
 শত্রুর দালাল,
 গোপনে আটক রাখে অন্ধকার ঘরে
 লক্ষ মণ চাল ;
 অন্য হাতে অগ্নিগর্ভ প্ররোচনা ।
 নির্মেষ আকাশ ; ঐ আসে !
 অরক্ষিত রথচক্র,
 স্থলিত বজ্রের নীচে
 শতাব্দীর শেষপদ সর্বনাশে কাঁপে !
 হত্যাকারী হাসে !
 অস্থির আঙুলে দিন গোলে
 পায় তার লুপ্তিত শ্মশান,

জানি তবু অরোদ্ধত মুক্তির নিশান,
 আন্দোলিত জনশ্রোত প্রবল প্রতাপে
 নিজের মূর্তিতে আজ নিয়তিকে টানে ।
 সম্মিলিত হাত তুলে আনে
 উন্মুক্ত আলোয় অন্ধ ঘরের কসল ।
 দৃঢ় পদ প্রতিরোধে, নিরন্তর ত্রাণে
 ছুটে আসে সেবাপ্রাণ বাছ ।

মাঠে মাঠে ক্লাস্তি নেই,
অসংখ্য লাঙল
নবায়কে ডাকে ।
যদিও সম্মুখে ঝড়,
কটকিত আসে বিপর্যয়
তবু জানি আমাদের জয়,
অমর প্রতিজ্ঞা পত্রে রাখি সেই দিনের স্বাক্ষর ।

অক্টোবর '৪৪

আহ্বান

সীমান্তে উত্তর খড়গ
নিরস্ত্র দেশের বুকে অগ্নি জ্বালে প্রভুত্বের মদমত্ত বৃট্ !
ঐক্যবদ্ধ জনতার হুংকৃত জোয়ারে
অহংকৃত মুখের চুরুট—
চোখের পলকে ভেসে যাবে ।
আমাদের মুষ্টিবদ্ধ হাতের জবাবে
মুক্তির দেয়াল দেবে দৃপ্ত প্রতিরোধ,
দৃষ্টি কালো কুয়াশায় হয়েছে জুরোধ—
শতাব্দী সঞ্চিত ঘৃণা খাঁকির পোষাকে, ষ্টিল হেলমেটের গায়
আস্তিন বাগায় ।
গ্লানপ্রস্তু চাষীদের ঘরে ঘরে দুর্ভিক্ষ জোগালে।
বিষম বিক্ষোভ, তাই
লাঙলে কাটেনা মাটি ভুবল হাতে শ্রম মুঠি ।
বস্তির গলিত প্রান্তে ওট হাঁই—
অসহায় জীর্ণ ঘরে উপবাসী মৃত্যুর জ্রকুটি ।
কোটি কণ্ঠে গান শুদ্ধ ; নিরুত্তম, নিস্তেজ ধমনী—
অবরুদ্ধ ক্ষমতার খনি,
এখনো নিষ্ক্রিয় বসে আছে ?
নিদ্রিত বন্ধুকে ডাকো, রক্তে তাব জ্বলুক আগুন ;
শৃংখলিত সেনাপতি, শূণ্য আজ তুণ ।

অক্টোবর '৪২

চলচ্চিত্র

ক্লব ব্রিটানিয়া :

পার্কের দৌড়ে বসেছিলাম ঘাসে
খাঁচার পাখী কাছেই ছিল বাঁধা,
হাওয়াই রথ হঠাৎ দিল হান।
অগ্নিবাহু ছড়ালে চার পাশে।
প্রভু, সবইতো লীলা তোমাব, তাই
আকাশে বুঝি এমন রোশনাই,
বীর জন্ম, লাগলো তবু ধাঁধা।

নগর রক্ষা :

দেশ রক্ষার অধুনা মত্ত মন,
ভাঁজি বেপরোয়া হাওয়ায় ভারী মুগ্ধর।
শত্রু কখন আসবে, হে জনগণ,
ভেবে ভেবে গুম করছি নামধুব
নাম রটে গেছে নিধিবাম সর্দার
বাজারে চলতি দেশ সেবার এ হাল
স্বয়ং পুঁলিশ কর্তা, কেয়ার কার ?
সময় আসলে মিলে যাবে তলোয়ার
কতকাল বল অসীক আশায় মারিত
(সেই স্ত্রেই ছেড়েছি চরকা, খাদি)
নগর রক্ষা পাছে শ্রেফ হয় মাটি
ঝাড়ুদারদের লড়াইতে বাদ সাধি।
ইতিমধ্যেই মিলেছে কিন্তু লাঠি ॥

গ্রীণরুমের :

বিশোগাত্তক নাট্য। বিদায় সর্দার।
অহিংসার ট্রেডমার্ক। অচল এবার।
দেশভক্তি আমাদের সঙ্গদাঙ্গবী চাহ
(সর্বদা অশান্ত কিন্তু দলবদ্ধ জাল !)
ভারতবর্ষে শান্তি নেই। বাকি সব দেশে
প্রজাবাই হবে, বেগে ব্যাক্ত হবে ঠেসে।
কোন অভাগ্য আমবা। লড়াই পারিনি
দিল্লী আর সিমলা কবি ভিক্ষাপাত্র নিয়ে।
প্রতীক্ষা বিফল। জানি, যা হবে হবার,
এবার কবতেই হবে এম্পার ডম্পার।
বাহবা, যথাথ স্বচ্ছ তোমার প্রস্তাব -
ততথ প্রভুদেব দেখি হাব ভাব,
পুনশ্চ প্রার্থন। এই রাখি, অতঃপর
আমার অহিংস ছাগে দিগদা। নমস্।

অক্টোবর '৪১

শত্রু

সূর্য অস্ত যায় না এমন রাজ্যে—
(সম্প্রতি দু'খি টলায়মান সে-ভিত্তি !)
প্রয়োপবেশন দৈনন্দিন কাজ যে ।

না চেয়ে বরাতে কটেছে বেকাব বৃত্তি
দূরদৃষ্টকে আনি না আদৌ গ্রাহ্যে,
স্মরণে জাবর কাটেছে পুরাণে কীর্তি ।

চিনেছি শত্রু, রয়েছি প্রভুর পক্ষে
(নতুবা শাসন চলতো ভগ্ন স্বাস্থ্যে)
খাও খাদক কোলাকুলি কবি সাথে !

গতিবিধি বাধে বেড়াজালে উদগাস্তে
বাঁচবেই গণতন্ত্র এই যা রক্ষে
যুদ্ধের ধার শুধবে হাতুড়ি কাস্তে,
সাবধান ! যারা চাইবে বক্র হাস্তে ।

জানুয়ারী '৪১.

জনযুদ্ধের গান.

বজ্রকণ্ঠে তোল আওয়াজ,
রুখবো দস্যুদলকে আজ.
দেবেনা জাপানী উড়ো জাহাজ
ভারতে ছুঁড়ে স্বরাজ ॥

এদেশ কাড়তে যেই আস্রক,
আমরা সাহসে বেঁধেছি বুক,
তৈরী এখানে কড়া চাবুক,
চলছে কুচকাওয়াজ ॥

একলা তবু তো পাঁচ বছর,
চীনের গেরিলা লড়ছে জোর,
তাইতো শহরে, গ্রামে কবর,
পাচ্ছে জাপ বহর ॥

আমরা নইতো ভীরুর জাত
দেব নাকো হতে দেশ বেহাত,
আজকে না যদি হানি আঘাত
দুষবে ভাবী সমাজ ॥

নভেম্বর '৪২

প্রতিরোধ প্রতিজ্ঞা আগার

নিষ্ঠুর কালের মুঠি —

ভেঙেছে ঘটনাচক্রে ছত্রপতি মন্দির ফিকির,
একে একে কুচক্রান্ত, মিউনিকের নিভেছে দেউটি,
বার্থ সব ছধ কলা, কাল সর্প হয়েছে করাল,

অবশেষে রাজ্য-বানচাল।

বায়ার বাজায় সূক্ত ; (কাবণ তারা তো জানতো ;
আঠারো বা লাল বাবা ছুঁলে !)

এদিকে বেড়েছে বৈবী কলিষ গোকুলে।

শকুনির নখবে নখবে

উন্মত্ত হিংসায় লুক্ক লাল বাবে।

ক্রমে তার আত্মঘাতী গোভ

নিপ্লবের রক্তিম ভূ-গোলে

বিষফোরক রূপ সজ্জা খোলে।

আকাশে সমুদ্রে, স্থল পথে

থরে থরে। শোভাযাত্রা উলংগ মৃত্যুর,

অরণ্য পর্বত শোনে রণচণ্ডী সাজোয়ার নরবতে আজ

আদিম গুহার সুব।

সারি সারি ট্যাক্স আর চাকার ক্রেকার, পর্ণচূড় হেলমেটের গায়
উজ্জ্বল সূর্যের আলো জ্যোৎস্নাও ঠিকরায়।

কর্কশ ছেঁষায় ওঠে একদিকে হিংস গর্জন —

অপহরণের পেশা নিবোধ দস্যুর নেশা

চোখে অন্ধকার ঠেকে আপন দেশের গুপ্তধন।

আব এক দিগন্তে জলে যুগার শাণিত প্রতিরোধ—

পদতলে স্থলিত শৃঙ্খল,
 'ঘরে ঘরে ফসলের নবান্ন উচ্ছল—
 সংঘবদ্ধ জীবনের নক্ষত্র খচিত সমারোহ
 মুক্তির প্রহরী আঘ।
 এ হাতে শৃঙ্খল-ভংসন ;
 গেবিলাও-লাগায় চমক—
 বন্দরে, বাজারে, গোষ্ঠে স্ট্রীমিং বর্ষার ফলক।
 প্রতিধ্বনি গুঞ্জে দেশে দেশে—
 শ্রমিক, কৃষক, ছাত্র তবঙ্গিত সৈন্যদলে মেশে ;
 ছায়া ফেলে ছুঁছুঁগ্রহ, খনিতে থামাবে—
 সাম্রাজ্য ছড়াবে।
 দিকে দিকে মৃত্যুপণ অঙ্গীকারে বজ্রকণ্ঠে ধ্বনিত আরাবে
 শকুনি চক্রের বুক কাঁপে।
 অচিরেই ভেঙে যাবে শত্রুর আচ্ছন্ন দেশে বুদ্ধবর্গ ঘুম—
 সংঘবদ্ধ জনতার ক্ষিপ্ত জাগরণ
 ছিঁড়ে দেবে শয়তানব আকাশ কুসুম
 হেড়িকে হত্যা-কাণ্ডে সেদিনে ঘোরোক্ষাটন।
 এখনও তাই আঁচ প্রতীবোধ প্রতিজ্ঞা আমার,
 গড় তুলি তর্জনি প্রাকার ;
 সম্মুখ সমরে লাল পটনের খুন
 মজির পদাঙ্ক রাখে।
 আয়োৎসর্গের সেই পবিত্র আশ্বিন
 আমাদের রক্তে এসে লাগে, চট্টগ্রাম ছানে তাব ভাবা ;
 বৈশাখ পল্লব জলে ! (ভাঙে খাল কেটে বাঙ্গালার ঘরাণা?)
 --ইতিহাস পথ নিলো কুটিল পদ্যার বাক্যে বাক্যে ;
 বাক্যে জোয়ার লাগে, পীতাম্বরে গৌরব বাণ ডাকে—
 এশিয়ার স্বর্ষ ওঠে দোদাঁড় প্রতাপে।
 স্বাধীনতার নীচে অগণিত প্রজাপুঞ্জ ;
 লুপ্তিত খামার, বন্ধ বাক্যলাপ, ভুলুপ্তিত গাছের গোলাপ—

মাগুরিয়া, কোরিয়ার প্রাণ যায় যায়,
 মালয়, বর্মার ভাগ্যে পরাভব ;
 বিশ্বাস ঘাতক প্রভু নিয়েছে বিদায় ।
 জাগ্রত চল্লিশকোটি এখানে তৈয়ার ।
 ধারালো সঙীন দেবে বিজয়ী স্বাক্ষর
 গণশক্তি দিকে দিকে কেটে দেবে মৃত ধনতন্ত্রের কবর ।
 যে ক্লীব পালাবে তার মুক্তি নেই আর ।
 দুৰ্ভিক্ষ বেঁধেছে নীড়, তবু এই দধিচীর হামড়
 ধ্বংসের বন্যাকে বাঁধবে, গুলে দেবে মুক্তির ছয়ার—
 প্রতিরোধ প্রতিজ্ঞা আমার ।

জুন '৪২

চীন

শত্রুপক্ষ হাব মানে ।

বিশ্বস্ত চীনের মৃতচিহ্নিত শ্মশানে

ভূমিষ্ঠ নতুন শক্তি । জনতার হরস্ত প্রতাপ—

বিভক্ত প্রবাহ মেলে ;

ছত্রভঙ্গ পরাক্রান্ত জাপ ।

গ্রামে গ্রামে

নগরে নগরে

গোলায় খামারে আর বাজারে বন্দরে

অরণ্যে পবতে জনবাহিনীর তরঙ্গিত ভিড়

—ওঠে আত্মরক্ষার প্রাচীর ।

বজ্রের দাপট কণ্ঠে, বাহুতে পৌরুষ—

অগ্নে জাগে ছিন্নপত্র সংসারের ছবি,

চোখে জ্বলে বিপর্যস্ত উত্তমপুরুষ ।

গুংথল হুহাতে দেবে,

—এখনো কোমরবন্ধে রয়েছে কাতুর্জ ।

কঠিন প্রতিজ্ঞা নেয় মাঠের সবুজে ।

অতর্কিত গেরিলার উচ্চকণ্ঠ গানে

শত্রুর হংকম্প জাগে ; ভগ্নদূত হুঃসংবাদ আনে :

‘ফসলের হুচিমুখে দৃষ্ট বাধা ; প্রতিবন্ধ চিম্নির হাঁ-মুখ ।

অরণ্যের ডালে ডালে বর্ধিত চাবুক ।’

হিংস্র পশু মাটি চায়—
 এশিরার হবে দণ্ডধর ;
 হঠকারী আক্রমণ নিষ্ঠুর থাবায় ।
 সে লুক্ক ডরাশ। ভাঙে ;
 চীনের পণ্টন আজ তুঃসাহসী খুঁড়েছে কবর ।
 শরীরে সঙীন ফোটে,
 রক্তের ফোয়ার। ছোটে,
 আকাশের নিচে 'ওঠে' প্রতিধ্বনি :
 'এ দেশ আমার ।'
 শয়তানের দস্ত ভাঙে ; দিকে দিকে শাসনো তর্জনী ।
 দুর্জয় প্রাকার ।

প্রতিরোধ ! জনশ্রোতে বিক্ষুব্ধ টাইফুন ;
 হাত তোলে বজ্রমুঠি,
 বৃকে খনিগর্ভের আগুন ।
 ইতিহাস প্রতিশ্রুত ; কাঁধে কাঁধ মিলিত দীর্ঘনে
 ক্রান্তি দিন গোণে ।
 লুপ্ত আজ গৃহবন্ধ, বিভীষণ ব্যর্থ মনে করেছে প্রস্থান
 সাবাস সিয়ান ।
 চিনাঙেস চোখে আত্ম অথও চীনের মৃত্যুপং ।

বিপ্লবের রক্তপথে জ্বালি আসে উজ্জ্বল আগামী ;
 শয়তান যদিও আনে অনশন, দুঃখের প্লাবন—
 হে চীন ! তোমার পাশে আমি ।

শত্রুপক্ষ হার মানে
 বিজয়ী চীনের মৃতচিহ্নিত প্লাশানে ।

সিঙ্গাপুর, রেঙ্গুনের, পথে পথে রক্ত দেয় চীন—

ভূত্ৰালে অবাধ আজ পদক্ষেপ সশস্ত্র মুক্তির ;

মৈত্রীর সংকল্প নেয় স্মৃতিস্ব সঙীন ।

অথর্ব নায়ক হবে গদ্যচ্যুত—

দ্রুতগতি ইতিহাস, :

ক্রমেই কদম তার হয় যে অস্থির ॥

জুলাই '৪১

ষ্টালিনগ্রাড

এমন কুরুক্ষেত্র ইতিহাস দেখেনি কখনো;
বসন্ত গলিত পত্র ;
বাতাস বারুদগন্ধ, অন্ধকার বিদ্যুৎ-খচিত ;
রৌদ্রালোকে লেগেছে গ্রহণ ।
ছুটে আসে পদ্মপাল শত্রুর জোয়ার
ট্যাঙ্ক, মৃত্যুঝলকিত কামান, সওয়ার ।
লুক্ক চোখ বলসায় আঙুণে ;
মাথায় স্থলিত বজ্র,
কঙ্কাল পরায় গ্রহি পায়ে ।
বিশাল গম্বুজ ভাঙে ;
দেখা দেয় দিগন্তে সবুজ ।
প্রাণতুচ্ছ প্রতিজ্ঞায় লক্ষ লক্ষ বধী
দাঁড়ায় নগর দুর্গে ।
দেশপ্রেম ধমনীতে, বিশ্ববোধ ধ্যানে ;
ক্ষিপ্ৰগতি পরীক্ষাস্ত হাতের পরশু ।
ফেরে লুক্ক পশু ;
মিটেছে রাষ্যের ক্ষুধা ;
প্রাণ তার বিশ্বময় মৃত্যু-আতঙ্কিত,
ষ্টালিনগ্রাডের মাটি রক্তে তার হয়েছে উবর ;
তাইত নদীর স্রোতে, অগ্নিদগ্ধ মাঠে
মৃত্যুহীন জীবনের উৎকীর্ণ অক্ষর ।

জুন '৪৩

বর্ষশেষ

সূর্য বসে পাটে ।
কঙ্কাল বিক্ষিপ্ত খালে
দ্বারস্থ কবরে ঘর-জ্ঞানো শ্মশানে
জনশূণ্য হাঁটে মাঠে
সীমাহীন নিরুদ্ভিষ্ট আলো
পিছনে মুচ্ছিত পথ ।
সম্মুখে দাঁড়ানো কোন ভবিষ্যৎ,
কোন প্রতিশ্রুতি ?
হাতে ডুখহরা কোন বিশাল্যকরণী ?
ধেম অপ্রভু লেছে অপথ
অনার্যত লজ্জা ঢাকে অন্ধকার শুধু,
স্বর্গ হানে কাঁটার মুকুট ;
দ্বিধা হ'তে চেয়েছে ধরণী ।
নিথব নিশ্চল জল হারাণো দীঘির
—ভারাক্রান্ত চোখে ঢেউ লাগে ।
ভাগ্য আজ হয়েছে বধির ।
পথে পথে ভগ্নস্তম্ভ,
চক্রবৎ ফিরেছে মড়ক ।
দুয়ারে দুয়ারে বীধা যমদূত
মূর্ছিত কড়া যায় নেড়ে
রক্ত-লোভাতুর শিব গন্ধে গন্ধে ফেরে ।
দিশাহীন জীবনের গোলক ধাঁধায়
তমুঠো আগ্নেয় মোহে
গ্রাম ছুটে চলেছে শহরে ।

ভিটা শূণ্য পড়ে,
 আকাশের কর্তরোধ করে পদধূলি ।
 জুর অটু হাসি খেলে
 সওদাগরী ডিঙায় ডিঙায় ।
 রাখাল এখন দূর শহরের কুলি ।
 মাঠে মাঠে ধরেছে ফাটল,
 আপন দর্পণে মুখ দেখে রসাতল ।
 পিছনে পাশাণবৎ অন্ধকার ভাঙে
 সম্মুখে টনায়মান দেয়ালে দেয়ালে
 মুষ্টিবদ্ধ হাতে এসে লাগে ।
 আগে চলো, আগে —
 তরঙ্গে তরঙ্গে বেগ
 বজ্র দাঁতে কাটে মেঘ
 অবণ্য বাড়ায় বাহু শিলাবৃষ্টি বাড়়ে
 কঠিন মাটিতে ক্রুদ্ধ পদশব্দ,
 আগে চলো, আগে ।
 অস্তুরীক্ষে গুরু গুরু প্রতিধ্বনি জাগে ।
 পর্বতের চোখে জাগে সাড়া—
 আকণ্ঠ ধুমায় বহি
 ঠেলে ওঠে অনর্গল লাভ ।
 বেরাহত অন্ধকার শিহরায় ভরে—
 আকাশে আকাশে ফোটে আরন্তিম আভা ।
 লক্ষ কণ্ঠে ছঙ্কারিত অয়ে
 অন্ধকার যবনিকা হু'হাতে সরায় ।
 ওঠে সূর্য দেশে দেশে
 রক্ত-পদচিহ্ন তার
 দিক থেকে দিগন্তে গড়ায় ।

এপ্রিল '৪৫

উজ্জীবন

“আমার প্রশংসায় কাজ নেই—

ধর্ম-অধর্মের অতীত

কার্যকারণ থেকে পৃথক

অতীত অনাগত বর্তমান থেকেও ভিন্ন

যা তুমি জানো

আমাকে বলো।”

—যমের প্রতি নাচিকেতা (কঠোপনিষদ)

যৌবনের পদপ্রান্তে যে কৈশোরের ছিন্নশির উপহার দেয়

বসন্তকে পুড়িয়ে মারে দাউ দাউ দাবানলি শিখায়

যে তাড়িয়ে নিয়ে বেড়ায় স্বপ্নের দড়ি নাকে দিয়ে

বন্ধনার অভিশপ্ত পথে,

পিচগলা প্রচণ্ড রৌদ্রে গলদর্শন করে

ছ’পায়ে শহরে বর্ষার বত্সা ঠেলে ঠেলে

মহলা থেকে মহলায় যে ছুটিয়ে নিয়ে যায়,

যে তার শত্রুকে কাঁদীতে না লটকিয়ে

অদৃশ্য উদ্বন্ধনের পাকে পাকে জড়ায় —

পথে পথে কঙ্কাল স্ত পীকৃত করে

বন্দকের নলে জনসমুদ্রে আগুন ছড়িয়ে

একটি ফুটন্ত কিশোরের স্পর্শাতুর হৃদয়

উত্তেজনা আর অসহ বেদনায় ছিন্ন ভিন্ন ক’রে

একটি কিশোরের আশ্রয় কর্তৃক কাকলি স্তব্ধ করে দিয়ে

মাটির বৃকে টেনে আনে এক ঝলক রক্ত

তারপর সমস্ত শরীর জুড়ে শাদা কাপড় বিছিয়ে

মৃত্যুর গুণকীর্তন করে—

স্বকান্ত, তোমার সেই আতাতায়ীকে

পৃথিবীর বুক থেকে মুছে দিয়ে

তোমাকে বাঁচাবো।

জবাব চাই

রক্তের ধার রক্তে শুধবো কসম ভাই
ব্রেথগেটের গোয়ালিয়রের জবাব চাই ।
লাথো লাথো হাত এক হলে বলো পরোয়া কাকে ?
আমাদের দাবী কে রোথে, কে রোথে লাল ঝাঙাকে ?

শিকলে বেঁধেছো, হাত দিলে শেষ মুখের গ্রাসে
শয়তান, চাও ভাঙতে কলিঙ্গা গুলিতে, গ্যাসে ?
পার পাবে নাকো, দেওয়ালে ঘোষণা : শেষ লড়াই
বাকুদে লাগালে আগুন যখন, পুড়ে হও ছাই ।

দিকে দিকে আজ ছঃশাসনের ভিৎ পড়ো-পড়ো ।
যুগসন্ধির মোড়ে মোড়ে ভুখা-নাঙ্গারা জড়ো—
শাণানো কাস্তে, হাতুড়ির মুখে সোজা জিজ্ঞাসা :
ছ'শো বছরের রক্ত শুষেও মেটেনি পিপাসা ?

বজ্রনির্নাদে ঘরে ঘরে আজ পৌঁছায় ডাক,
যেখানে যে আছে ময়দানে সব এক হয়ে যাক ।
কড়াপড়া হাতে শিকল ভাঙার শপথ কঠিন
আমাদের হবে কলকারখানা, জায়গা জমি ।

রক্তের ধার রক্তে শুধবো কসম ভাই
ব্রেথগেটের, গোয়ালিয়রের জবাব চাই ।
লাথো লাথো হাত এক হলে বলো পরোয়া কাকে ?
আমাদের দাবী কে রোথে ? কে রোথে লাল ঝাঙাকে ?

জানুয়ারী '৬৬

১৫ই ফের আসবো

জেনো, ১৫ই আগষ্ট আবার আসবো ।
দেখে নেবো কার বিচার কে করে
কে দেখে দলিল পত্র চার ?
ধৈর্যের বাধ ভাঙলো যখন
বন্দীশালার দেয়ালও সকলে ভাঙবো ।
১৫ই ফের আসবো ।

রোখে ১৫ই আগষ্ট সাধ্যকার ?
আজ ২৪শে জুলাই রুখতে পারলো ?
পথে পথে বান ডাকলো যখন
ছাত্র-শ্রবক-চাষী মজুরের
কণ্ঠে গর্জে উঠলো —
ছাড়াতেই হবে বন্দীদের ।
বজ্রের সেই আওয়াজ রুখতে পারলো ?

যতদিন বীর বন্দীরা জেলে থাকবে—
শান্তি আমরা মানবো না ।
মিছিলে সভায়, দেয়ালে দেয়ালে
সকলের দাবী আমরা ধ্বনিত করবো ।

লাল অক্ষরে লিখে রাখলাম ১৫ই
কিছুতেই কেউ ভুলবো না ।
১৫ই ফের আসবো ।

এক আগষ্টে সড়ীনের ঘায়ে
বারুদের মত জ্বলেছিলাম ।

শহরের পথে গ্রামে ও গঞ্জে
বন্দী শিবির আমরা ভাঙতে চেয়েছিলাম ।
এই আগষ্টে আবার আমরা জুলবো —
কারায় কারায় লৌহ-শিকল ভাঙবো
বন্ধ তালার চাবি কার হাতে,
কার ঘাড়ে কত মাথা আছে খুঁজে দেখবো
এই আগষ্টে ১৫ই ফের আসবো ।

জুলাই '৪৬

মমদাদেন চলো

ষ্ট্রাইক ! ষ্ট্রাইক ! স্নেহানেই থাকি, মমদাদেনে হবো সকলে সামিল আজকে
ষ্ট্রাইক ! ষ্ট্রাইক ! একবার লাথো হাত এক হোক, দেখে নেব পশুরাজকে ।
ষ্ট্রাইক ! ষ্ট্রাইক ! রোকানে কপাশ, দপ্তবে চাবি, ট্রাম বাসে চাকা বন্ধ ।
ষ্ট্রাইক ! ষ্ট্রাইক ! বিজলীর চোখ গেলে দাও, করে চোরঙ্গীকে অন্ধ ।
ষ্ট্রাইক ! ষ্ট্রাইক ! ডাক্ তাব ভাই ! টেলিফোন বোন, ভব নই,

পাশে আমরা

ষ্ট্রাইক ! ষ্ট্রাইক ! ছশাসনের পাঁজব গুলবো, গা থেকে খসাবো চামড়া ।
ষ্ট্রাইক ! ষ্ট্রাইক ! আর সব ডাক বন্ধ, একটি ডাক শুধু চালু থাকবে :
ষ্ট্রাইক ! ষ্ট্রাইক ! আগুনের মুখে একটি জবাব সকলে তৈরী বাখবে ।
ষ্ট্রাইক ! ষ্ট্রাইক ! একপাও পিছু হঠবো না কেউ, কক্কক রক্তারক্তি ।
ষ্ট্রাইক ! ষ্ট্রাইক ! পথে পথে আজ মোকাবিলা হোক, কাবদিকে কত শক্তি ।
ষ্ট্রাইক ! ষ্ট্রাইক ! সাদাকে কববো কালাপানি পার, তবে যুদ্ধের শাস্তি ।
ষ্ট্রাইক ! ষ্ট্রাইক ! গুংথলে চিড় ধবে, ভিৎ টলে, মাথা ঊঁচু কবে ক্রান্তি ।

জুলাই '৪৭

স্মৃতি লিঙ্গ

রুখবে কে আজ চলে বেপরোয়া ক্ষাপা জোয়ার
বন্ধ মৃষ্টিতে বজ্র তৈরী, মিছিলে হাঁটি ।
জমি জমা নেই, উপবাস পেশা, কেয়ার কার ?
অগ্নিগর্ভ-ভাষা আমাদের গানের ঘাঁটি ।

একা নই, আছে পাথুরে পেশী হাজার
হাতে হাত বাঁধা, চড়াগলা, পায়ে জোর কদম,
তুঁচোথে প্রথর সূর্য প্রহার ; ভেঙেছে ভ্রম—
শত্রুর টুঁটি ছিড়বে এবার নখের ধার ।

আমরা শহর বানাই, আবাদ করি ফসল
ফলে নেই হাত, উপরি পাওনা পিঠ কুড়োয় ।
মুমূর্ গ্রাম ; বর্গীর ভয়ে প্রাণ জুড়োয়
পুঞ্জিত ক্রোধ, রক্তে হিংস্র জলে অনল ।

ঝড় আসন্ন, আকাশে মেঘের কুচকাওয়াজ,
আজ আমাদের মূর্তির নাগালে শুভ অশুভ ;
পরোয়া করিনে দৈব কে, জানি বিজয় ধ্বংস ;
উচু আসমানে ভাসে নিষিদ্ধ কথার ঝাঁঝ ।

রুখবে কে আজ ? চলে বেপরোয়া ক্ষাপা জোয়ার
ছুটে আসে যারা বঞ্চিত, কাঁধে কাঁধ মেলায়
হতাশ জীবনে ধরে হাতিয়ার, কেয়ার কার ?
ওঠে আগুনের হলকা, দ্বিপ্র ছুটে চলার ॥

আগষ্ট '৪২

ঘোষণা

এদেশ আমার গর্ব,
এ মাটি আমার কাছে সোনা ।
এখানে মুক্তির লক্ষ্যে হয় মুকুলিত
আমার সহস্র সাধ, সহস্র বাসনা ।
এখানে আমার পাশে
হিমাচল,
কণা কুমারিকা ।
অলঙ্ঘ্য প্রাচীর ঐক্য
প্রতিজ্ঞা পরিখা ।

ভূভিক্ষ পীড়িত দেশ,
রক্ত চক্ষু রাজার শাসন—
শত্রুনি বিশ্বস্ত বন্ধু,
মুঠোর শিথিল সিংহাসন ;
সর্বদে চিহ্নিত মৃত্যু
এবের গলিত গন্ধ ছোটে ।

প্রজাপুঞ্জ ওঠে ;
আগুন লেগেছে ঘরে,
খরহর্য মাথার উপরে ।
ভাঙারে উধাও খাণ্ড,
শূণ্য পেটে চাষবাস চুপ
কারখানায় পড়েছে কুলুপ ।
দোকানে দ্বারস্থ অফোহিবী ।

পিছনে করুণ মূর্তি পথের কাহিনী ।

গহন অরণ্য অারাকান ;

স্থলিত পায়ের ছন্দে

স্পন্দিত শ্বশান ।

সর্বস্বাস্থ চোখে পড়ে

বারবার হাতের শৃংখল—

পলাতক প্রাণের সম্বল ।

বিড়স্থিত জীবনে আবার

বুরুক্ষেত্র করাঘাত করে ।

পালাবার নেই কোন থিড়কির ছয়াব ।

সম্মুখে প্রতীক্ষমান সবুজ প্রান্তরে

শায়িত বল্লম ;

পায়ে পায়ে রুদ্ধগতি বিচ্যৎ কদম,

ঘুম ভাঙে সম্মিলিত মুঠি ;

অগ্নিবর্ণ চোখের জ্রুকুটি

মুহূর্তে হারায় দন্ত,

দর্প তার হয় কুটি কুটি ।

গঙ্গার জোয়ারে এসে লাগে

ভল্লার তীরের স্পর্শ

চোখে নব স্মর্যোদয় জাগে ;

মুক্তি আজ বীরবাহু

শৃংখল মেনেছে পরাভব ;

দিগন্তে দিগন্তে দেখি

বিস্ফারিত আসন্ন বিপ্লব ।

এখানে বিচিত্র স্রোত

মুক্তির একাগ্র লক্ষ্যে আসে ;

আজকের তুরঙ্গ ইতিহাসে
দেশপ্রেম বলা ধরে ।
পদক্ষেপ কেবলি চঞ্চল ।
গ্রামে, গঞ্জে, শহরে বাজারে
হুজুয় সংকল্প নেয় হাজারে হাজারে ।
মৃত্যু-কীর্তি গথে হই জড়ো ;
নতুন জন্মের ডঙ্কা বাজে,
বেদনায় পৃথ্বি থরো থরো ।

এদেশ আমার গর্ব
এমাটি আমার চোখে সোনা ।
আমি করি তারি জন্য বৃত্তান্ত বোষণা ।

জানুয়ারী '৪৩

ଅଶିକୋଳ

সিদ্ধাপুরের যে তিনজন শহীদ
বুটশের ফাঁসিকাঠে আন্তর্জাতিক
গাইতে গাইতে প্রাণ দিয়েছেন

অগ্নিকোণ

অগ্নিকোণের তল্লাট জুড়ে ছরস্তু ঝড়ে তোলপাড় কালাপানি
খুন হয়ে যায় শাদা শাদা ফেনা
ঘুমভাঙা দলবদ্ধ ঢেউয়ের
ক্ষুরধার তলোয়ারে ।

বনেজঙ্গলে ঝটপট করে প্রতিহিংসার পাখা ।
কাঁধের জোয়াল ছুঁড়ে ফেলে দিয়ে
ধম্মকের মত বাক। পিঠগুলো।
টান ক'রে ঘুরে দাঁড়ায়
পেরাকে পেনাঙে টিনের খনিতে
রবারের বনে
মশলার দীপে
সোনাফল। ইরাবতীর ছধারে
উপত্যকায়
বদীপে, নীলকান্ত মণির
ঝিকিঝিকি দেশে
শ্যামে, কসোজে
আনামী পাহাড়ে
মেকং নদীর বানডাক। জলে
ঘুম-ভেঙে-ওঠ। অগ্নিকোণের মাঝুয় ।
রক্তের পাঁকে শত্রুকে পুঁতে
অন্ধকারের বুকে হাঁটু দিয়ে ছহাতে উপড়ে আনে
দুঃশাসনের ভিৎ ।

মেঘে মেঘে তারা চকমকি ঠুকে
পথের নিশানী করে ।
বজ্রের স্রবে বেঁধে নেয় গলা । ঝাঁকে—

দিন এসে গেছে ভাই বে
রক্তের দামে রক্তের ধাব
শুধবার ।
দিন এসে গেছে ভাই বে
বিদেশীরাজের প্রাণভোমরাকে
নখে নখে টিপে মারবার ।
দিন এসে গেছে
লাঙলের ফালে আগাছা উপড়ে
ফেলবার ।
দিন আসে ভাই
কাস্তুর মুখে নতুন ফসল
তুলবার ।

কুঠিয়াল এক সাতনের পংশে
শকুনিতে খায় ছিঁড়ে
লুণ্ঠনকারী পঁচিশটা বুগ
সাম্রাজ্যের নেশাতুব চোখ থেকে ।
সে দৃশ্য দেখে—
দেশটাকে ভালবাসে
বাপদাদ যাব প্রাণ দিল কঁাসিকাতো ।
সে দৃশ্য দেখে—
সাদা ছেলে পেটে প'রে
যার কচি মেয়ে দিয়েছে গলায় দড়ি ।
সে দৃশ্য দেখে—
যার বংশের বাতি

নিভে গেছে মারীমড়কের হাওয়া লেগে ।
দেশের মাটিতে গড়াগড়ি যায়
হুলতান, রাজা, রাজড়া, উজির, শিখণ্ডীদের মাথা ।

অত্যাচারীর পাড়ায় পাড়ায়
ত্রাহি ত্রাহি ঠাঁক ওঠে,
দলে দলে ত্রাণকর্তা বিমান
বাতাসে বারুদ ঠেসেঠেসে দিয়ে
কামানের মুখে মৃত্যুর ঝড় তোলে ।
গ্রন্থের শিশুকে বুকেতে আঁকড়ে ধ'রে
মরে শত শত শহর গাঁয়ের
অগ্নিকোণের মানুষ ।
সে আগুনে পথ চেনে
বক্সিতদের দিগন্তজোড়া মিছিল ।
রক্তে রক্তে ভিজে ওঠে লাল নিশান ।
ডম্বলে জলে পাহাড়ের কোলে
ঝটপট করে প্রতিহিংসার পাখা ।
মৃত্যুর ঝড় ঠেলে
অন্ধকারের গলা টিপে ধ'রে
রক্তের নদী উজিয়ে এগোয়
অগ্নিকোণের পোড়খাওয়া যত মানুষ ।

ব্যারাকে ব্যারাকে বিদ্রোহী সেনা জাগে ।
অস্ত্রাগারের দ্বার খুলে তারা
জনতার পাশে দাঁড়ায় ।
লক্ষ লক্ষ পায়ের আওয়াজে
কঁপে কঁপে ওঠে মাটি ।

ছত্রভঙ্গ দস্যুর দল
আগুন আগুনে রাজ্য পুড়িয়ে দিয়ে
লেজ তুলে ছোটো জাহাজে আকাশযানে ।

লক্ষ লক্ষ হাতে
অন্ধকারকে ছ'টুক রো ক'রে
অগ্নিকোণের মানুষ
হর্বকে ছিঁড়ে আনে ।
কোটি কণ্ঠের হুঙ্কারে লাগে
বজ্রের কানে তাল ।

পোড়া মাঠে মাঠে বসন্ত গঠে জেগে ।

ঝড় আসছে

ঝড় আসছে, আকাশে মেঘ
চোখ পিট্ পিট্ করছে
অগ্নিকোণে ছহাতে কে
মশাল তুলে ধবে ।

নদীতে বান, মাটিতে চিড়
শিকলে চাড় লাগে
লক্ষ পায়ের মিছিলে লাল
নিশান চলে আগে ।

কিসের যেন ষড়যন্ত্র
বজ্রের ফিস্‌ফাসে
এগিয়ে গিয়ে হাওয়ায় কাঁপা
বারুদ ঠেসে আসে ।

দেশে দেশে বেইমানদেব
বুক ছুর ছুর করে
ছুরোরে খিল, ঝাঁপ বন্ধ
বাজারে বন্দবে ।

রাস্তা লোকে লোকারণ্য
পরোয়া আজ কাকে
যে দেবে প্রাণ, জীবন দেবে
বরমাণ্য তাকে ।

বড় আসছে, উঠে দাঁড়ায়
যে ~~যে~~খানে আছে
ডাঙায় বাঘ, জলে কুমীর
যে মারে, সেই বাঁচে।

একটি কবিতার জন্য

একটি কবিতা লেখা হবে। তার জন্তে
আগুনের নীল শিখার মতন আকাশ
রাগে রী-রী করে, সমুদ্রে ডানা ঝাড়ে
চরম্বত ঝাড়, মেঘের ধূম জটা
পুলে পুলে পড়ে, বজ্রের ঈকডাক
অবশ্যে সাড়া, শিকড়ে শিকড়ে
পতনের ভয় মাথা খুঁড়ে মরে
বিদ্যায় ফিবে তাকায়
সে আলোর সারা তল্লাট ভুড়ে
বজ্রের লাল দর্পণে মুখ দেখে
ভয়লোচন।
একটি কবিতা লেখা হয় তার জন্তে।

একটি কবিতা লেখা হবে। তার জন্তে
দেয়ালে দেয়ালে এঁটে দেয় কারা
অনাগত এক দিনের ফতোয়া
মৃত্যু ভয়কে কাঁসীতে লটকে দিয়ে
‘মিছিলে এগোয়
আকাশ বাতাস মুখরিত গানে
গর্জনে তার
নখদর্পণে আঁকা
নতুন পৃথিবী, অজস্র স্মৃতি, সীমাহীন ভালবাসা।
একটি কবিতা লেখা হয় তার জন্তে।

মিছিলের মুখ

মিছিলে দেখেছিলাম একটি মুখ
সুষ্টিবদ্ধ একটি শাণিত হাত
আকাশের দিকে নিশ্চিন্ত ;
বিস্তৃত কয়েকটি কেশাণ্ড
আগুনের শিখার মত তাড়ায় কম্পমান ।
ময়দানে মিশে গেলেও
ঝঙ্কার জনসমূহের ফেনিল চূড়ায়
ফস্ফরাসের মত জ্বলজ্বল করতে থাকল
মিছিলের সেই মুখ ।

সভা ভেঙে গেল, ছত্রাকাবে ছাড়িয়ে পড়ল ভিড়
আব মাটির দিকে নামানো হাতের অব্যো
পায়ে পায়ে হাঁটতে গেল
মিছিলের সেই মুখ ।
আজও ছবেল পাথে ঘুরি
ভিড় দেখলে দাড়াই
যদি কোথাও গাঁজে পাঠি মিছিলের সেই মুখ ।

কারো বাঁশীর মত নাক ভাল লাগে
কারো হরিণের মত চাহনি নেশা ধবায়
কিন্তু হাত তাদের নামানো মাটির দিকে
ঝঙ্কার সমুদ্রে জ্বলে ওঠে না তাদের দৃষ্ট মুখ
ফস্ফরাসের মত ।
আমাকে উজ্জীবিত করে সমুদ্রের একটি স্বপ্ন
মিছিলের একটি মুখ ।

অলস সব মুখ যখন দুর্মূল্য প্রসাধনের প্রার্থ্যাগিতায়
 কুংসিত বিকৃতিকে চাপার চেষ্টা রুবে,
 পচা শবের দুর্গন্ধ ঢাকার জাল
 গায়ে স্তগন্ধি ঢালে,
 তখন অপ্রতিদ্বন্দ্বী সেই মুখ
 নিষ্কাশিত তরবারির বৃত্ত
 জেগে উঠ আমাকে জাগায়।

অন্ধকারে হাতে হাতে হাই গুঁড়ে দিই আমি
 নিষিদ্ধ এক ইস্তাহাব,
 জরাজীর্ণ ইমাবাতের ভিৎ পরিসর দিয়ে
 ডাক দিই
 যাতে উদ্বেলিত মিছিলে একটি মুখ দেহ পায়
 আর সমস্ত পৃথিবীর শৃঙ্খলমুক্ত ভালবাসা
 দুটি হৃদয়ের সেতুপথে
 পারাপার করতে পারে।

রাম রাম

কুকুবের মাংস কুকুবে খায় না
লাজ নীচু ক'বে
এ গুর দিকে তাকায—
হুহু এক,
যেন একজন আরেকজনের আয়না
বাম রাম—
একটু তেল চাই কামানের চাকায়।

দিয়ে বহাল হবিষতে থাকলেন নিজাম।
এখন বজ্জাতগুলোকে চিট কবা দবকাব
চাই খব জবরদস্ত এক
বন্দুক সবকাব
মর্গী হোন জন্মাদ
শবপব দেখা যাক
জমিব আশ্বাদ
ভালে কি ভোলে না
অবাধ্য স্বাধীন ছোটলোক তেলেকানা।

দীক্ষিতের গান

পালাবার পথে ধুলো-ওড়ামোর দঙ্কলে, ভাই
আমিও ছিলাম একজন ; আজ প্রাণপণে তাই
ভীকৃতার মুখে লাথি মেরে লাল ঝাঙা ওঠাই ।

গা থেকে পাকের গলিত গন্ধ ধুয়ে মুছে দাও
স্বপ্ন জড়িত জীবনের দ্বিধা চাবুকে ছোটাও
হাঁটু ছিঁড়ে যাক, ছ'পায়ে রক্তকদম ফোটাও ।

বিপদ তাড়ানো আওয়াজে আজকে হাঁকো হৈ হৈ
ফাঁসিতে দিয়েছি জীবন, মরতে পিছুপাও নই
গৃহকলহকে দূরে ঠেলে এসো একজোট হই

চাপা বিদ্যতে খেলে চষমণ বজ্রমুখল ;
অভুক্তদের মৃতদেহ ; চোরগুদামে ফসল—
ঝড়ায় মাথা উঁচু রাখি ; জানি যাত্রা কুশল !

হতাশার কালো চক্রান্তকে ব্যর্থ করার
শপথ আমার ; মৃত্যুর সাথে একটি কড়ার—
আয়দানের ; স্বপ্ন একটি পৃথিবী গড়ার ।

চোরাবালি টানে তাদের মুগ্ধ সমাধির দিকে
ফিরলোনা যারা ; স্মরণে আমার তারা সব ফিকে '
গুধু ভুলিনাকো ক্রান্তিকালের সাথী সঙ্গীকে ।

প্রতিরোধ চাই! অগ্নি ফলকে কাটে কুণ্ডটি
মজিনিশান হাতে নিয়ে ওঠে চল্লিশ কোটি
বীরবিক্রমে দ্বার আগলাবে লক্ষ করোটি।

পালবার পথে ধুলো-ওড়ানোর দসলে, ভাঙি
সামিও ছিলাম একজন ; আজ প্রাণপণে তাই
ভীরুতার মুখে লাগি রেখে লাল ঝাণ্ডা ওঠাই।

শুদ্ধিপত্র

পৃষ্ঠা	পংক্তি	অশুদ্ধ	শুদ্ধ
১	৭	দুবে	দুব
২	১১	ভাষা	ভাঙা
৭	৪	বস	বভস
৭	৬	চাষী	চাষা
৮	১৩	শ্মশানে	শ্মশানে
৯	১৯	দেব না	না দেব
১৩	১৫	কাপে	ফাঁপে
১৫	৬	বিশ্বেকাব্য	বিশ্বেকাব্যে
১৯	১৭	দেশ পর্ব	দেশ গর্ব
২১	১৪	ওটে	ওঠে
২২	১৫	তলোদাব	তবোদাব
২৩	৭	অশান্ত	সশস্ত
২৬	১৮	ক্রেকার	ক্রেকাব
১৭	২৭	দৌর্দন্ত প্রতাপে	দৌর্দণ্ড প্রতাপ
২৯	১৩	উত্তম পুরুষ	উত্তর পুরুষ
৩৩	৯	তুখতরা	তুখতব।
৩৪	১০	হাতে	হাত
৩৬	৫	শেষ	শেষে
৩৬	১৬	জমি	জমিন
৩৯	১১	শান্তি	শান্তি
৪৭	৪	দিন	দিন

* 'এই আশ্বিনে' কবিতাটির পঞ্চদশ পংক্তির পব নিম্নোক্ত পংক্তিটি হবে : 'রুণ্ট রুক্ষ মেঘে কাঁপে' ।

† 'শুলিঙ্গ' কবিতার পঞ্চম পংক্তি এই রকম হবে :

একা নই আছে সজ্ঞ পাথুরে পেশি হাজার ।

